



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 1248. Usque Ad Annum 1276

Fleury, Claude

August. Vind. [u.a.], 1765

VD18 90118243

§.38. Moneta Christianorum ad ortum habitantium.

[urn:nbn:de:hbz:466:1-66255](#)

Sex ante mensibus, quam hæc Prin- Sæcul. XIII.
ceps obiisset, Papa Innocentius ad Epis- A.C. 1252.
copos, Abbates, ac universum Regni Cle-
rum scripsit, ut ne Clericos in conflictum
descendere paterentur. Antiquissima sed
barbara consuetudine Clerici jus suum
in servos Ecclesiarum, qui alias agnosce-
re Dominos volebant, singulari certami-
ne tueri cogebantur, ita, ut ad illud pro-
bandum aliter non admitterentur, quam-
vis per testes, aut aliis modis legitimis
id facere possent. Papa hunc morem
abrogat, eoque Clericis haud liceat sin-
gulari pugna congregari seu per se, seu per
alias: & nullas esse declarat sententias
contra illos hac de re latas. Diploma
dabat 23 Julii 1252.

§. XXXVIII.

Moneta Christianorum ad Ortum habitantium.

Legatus Odo Castro-Rodulphinus ali-
quo abhinc tempore Papæ per litte-
ras significaverat, Christianos monetæ,
quam Ptolemaide ac Tripoli cuderent, Rayn. n. 92.
nomen Mahometis insculpere annumque
ab ejus ortu: volebat dicere: annum E-
pochæ Arabicæ. Contra omnes, qui
monetas ejusmodi sive aureas, sive ar-
gentreas in Regno Hierosolymitano, in
Principatu Antiocheno, & in Comitatu
Tripoli-

Sæcul. XIII. Tripolitano ferirent, Legatus anathema
A. C. 1253. promulgaverat; quod eo petente ratum
 Papa habuit per epistolam 12 Febr. 1253
 datam, cum non indigna modo sed abo-
 minanda res sit, ajebat, tam odiosi nomi-
 nis memoriam celebrare. Nihilominus
 per decem propemodum sæcula Christia-
 ni ad Ortum habitantes annos a Diocle-
 tiani regimine computabant: ut constat
 inter alia ex chronicis Georgii Elmacini,
 qui eodem tempore vivebat; & libri Ma-
 chabæorum annos ab Alexandri domina-
 tu numerant. Nummariæ vero epigra-
 phæ intelligi debent a populis, quibus-
 cum habetur commercium.

Id. n. 50. Alphonsus Pictavii Comes, Regis fra-
 ter, cruce semper indutus redire ad Ter-
 ram sanctam parabat. Idcirco Papa 2
 Apr. 1253 Priori Fratrum Praedicatorum
 Parisiensium scripsit, ut mitteret, qui in
 Francia, Navarra, Provincia, Britannia,
 Burgundia, & in Alphonsi terris Christia-
 nos ad militiam Crucis accenderent, so-
 litamque sponderent indulgentiam non
 iis tantum, qui gererent arma, sed & il-
 lis, qui ad belli sumptus pecunias con-
 tribuerent: Faciebat simul Priori co-
 piam ab omni criminum genere absol-
 vendi.

§. XXXIX.